

Na temelju članka 56. Zakona o organizaciji organa uprave Federacije Bosne i Hercegovine ("Službene novine Federacije BiH", broj 35/05), članka 31. st. (1) i (2) članka 38. Zakona o izvršavanju Proračuna Federacije Bosne i Hercegovine za 2024. godinu ("Službene novine Federacije BiH", broj 7/24) i Odluke Vlade Federacije BiH o usvajanju programa utroška sredstava sa kriterijima raspodjele sredstava „Tekući transferi neprofitnim organizacijama - Transfer za sufinanciranje izgradnje spomen obilježja, uređenje mezarja i grobalja", utvrđenog Proračunom Federacije Bosne i Hercegovine za 2024. godinu, ("Službene novine Federacije BiH", broj 27/24), Federalno ministarstvo za pitanja branitelja i invalida domovinskog rata/Federalno ministarstvo za pitanja boraca i invalida odbrambeno-oslobodilačkog rata, objavljuje:

JAVNI POZIV
za podnošenje prijave za sufinanciranje izgradnje spomen obilježja,
uređenja mezarja i grobalja u 2024. godini

I.

Predmet Javnog poziva je sufinanciranje izgradnje spomen obilježja, uređenja mezarja i grobalja u 2024. godini u ukupnom iznosu od 1.200.000,00 KM (slovima: milijundvijestotinetisuća i 00/100 KM). Iznos od 1.100.000,00 KM (slovima: milijunstotinutisuća i 00/100 KM), raspoređuje se za sufinanciranje izgradnje spomen obilježja, uređenja mezarja i grobalja, a iznos od 100.000,00 KM (slovima: stotinutisuća i 00/100 KM) se određuje kao interventna sredstva koja će se koristiti za potporu programima i projektima za hitne i nepredviđene slučajeve koji nisu obuhvaćeni Javnim pozivom.

II.

Zahtjev za sufinanciranje programa/projekta mogu podnijeti samo pravna lica i to: udruge koje okupljaju braniteljsku populaciju, institucije i vjerske zajednice sa razrađenim programima usmjerenim na realizaciju ciljeva proizišlih iz namjene ovih sredstava.

III.

Pravo učešća po ovom Javnom pozivu nemaju podnositelji zahtjeva iz točke II. ovog Javnog poziva kojima su u prethodnoj proračunskoj godini odobrena sredstva za iste namjene, a nisu dostavili izvještaj o utrošku sredstava, izuzev podnositelja zahtjeva kojima su dodijeljena sredstva po osnovu Drugog javnog poziva za podnošenje prijave za sufinanciranje izgradnje spomen obilježja, uređenja mezarja i grobalja broj 01-11/4-4888/23 od 18.12.2023. godine.

IV.

Raspodjela novčanih sredstava iz točke I. ovog Javnog poziva vršit će se sukladno općim kriterijima.

Opći kriteriji za odobrenje sredstava za sufinanciranje programa/projekata za izgradnju spomen obilježja, uređenja mezarja i grobalja su:

- povijesni značaj projekta za širu društvenu zajednicu općinsku, kantonalnu, federalnog, državnog kao i regionalnog nivoa;
- originalnost projekta u smislu predstavljanja nivoa organizovanosti Oružanih snaga RBiH;
- vrijednost projekta;
- visina učešća sopstvenih sredstava i sredstava drugih financijera za aplicirani projekat.

Ministarstvo će posebnim aktom utvrditi mjerljive potkriterije iz točke IV. Javnog poziva.

V.

Zahtjev je potrebno obrazložiti u smislu razloga podrške programa/projekta (općem, društvenom, finansijskom i sl.).

Sredstva će se dodijeljivati na osnovu Javnog poziva, jednokratno, a koji će biti objavljen u dnevnim novinama i na web stranici Ministarstva (www.fmbi.gov.ba).

Javni poziv traje **15 dana** od dana objavljivanja u dnevnim novinama.

VI.

Prijave po Javnom pozivu za odabir programa/projekta za sufinansiranje izgradnje spomen obilježja, uređenja mezarja i grobalja u 2024. godini, podnose se Federalnom ministarstvu za pitanja branitelja i invalida domovinskog rata/Federalnom ministarstvu za pitanja boraca i invalida odbrambeno-oslobodilačkog rata, putem pošte ili osobno u zatvorenim kovertama, na adresu:

**Federalno ministarstvo za pitanja branitelja i invalida domovinskog rata/Federalno ministarstvo za pitanja boraca i invalida odbrambeno-oslobodilačkog rata,
ulica Hamdije Čemerlića br. 2., 71 000 Sarajevo**

sa naznakom:

„ Javni poziv za podnošenje prijave za sufinansiranje izgradnje spomen obilježja, uređenja mezarja i grobalja u 2024. godini “.

VII.

Aplikacioni formular će biti objavljen na WEB stranici Ministarstva (www.fmbi.gov.ba), a isti će se moći preuzeti i u prostorijama Pisarnice Ministarstva.

Nepotpune i neblagovremene prijave se neće uzimati u razmatranje.

Federalno ministarstvo nema obavezu vraćati predatu dokumentaciju aplikantima.

VIII.

Uz zahtjev je potrebno dostaviti slijedeću dokumentaciju:

1. Adekvatno popunjen i ovjeren aplikacioni formular;
2. Rješenje o registraciji (ovjerena kopija);
3. Uvjerenje o poreznoj registraciji (identifikacionom broju);
4. Kopija ugovora ili potvrda banke o otvorenom transakcijskom/tekućem računu;
5. Detaljan opis programa/projekta za koji se traži sufinansiranje;
6. Finansijski plan programa/projekta za 2024. godinu, sa očekivanim prihodima i rashodima;
7. Rješenje o odobrenju gradnje (građevinska dozvola) ili Izjava podnosioca zahtjeva da je pokrenut postupak za izgradnju objekta;
8. Dinamika i rok završetka programa/projekta;
9. Potvrdu/uvjerenje od vjerske ustanove kao dokaz da se program/projekat odnosi na sufinansiranje uređenja mezarja i grobalja;

MINISTAR

Nedžad Lokmić

Broj: 01-37-14824

Sarajevo, 16.04.2024. godine

